

荀河文集

筭河文集卷二

大興 朱筠 竹君

聖謨廣運平定準噶爾恭紀四言詩百韻

謹序

臣伏見

皇帝陛下六龍時乘德輿天一四表兩間無不周浹
御極以來奉

皇太后再巡

盛京謁

三陵展孝思東升泰山

幸闕里以祀孔子南巡江浙

躬省民事皇哉大禮備物未嘗有也金川小蠶卽殄卽
平乃者準噶爾部僻處西荒世其凶德

皇祖

皇考張申撻伐不訖于誅天厭厥類其孽子喇嘛達爾札
暨亂臣達瓦齊更相篡竊虺蜴荼蓼厥部離心時
則台吉車楞車楞伍巴什等暨阿睦爾撒納等數
十萬戶斂關乞降

天子爲幸熱河莅而享其人飫沃謹呼同請効命
皇帝神謀天斷乘時發機乃

命將軍出師討之卽用其人導師前行西北兩路同日

迅發千軍萬騎馳越乎瀚海若瞰沸雪若風刺草
自克烏梁海至于阿爾泰山梁更數十部落台吉
宰桑厥角恐後我師入于伊犁降青海叛人羅卜
藏丹津及其二子又獲逋酋巴期孟可等悉俘以
來師涉伊犁河而西標山趾川掃閭蹈壘用夜入
其鄂立土營賊兵負山面澗自相驚躁追擒其孥
屬部人達瓦齊以其子及數十人走和集斯伯克
盡獲之以獻捷聞

皇帝躬至

太廟徧告

郊

社

山陵越名山大川羣臣請上

尊號不許乃以吉日加上

皇太后徽號爵勲賚功周布

恩澤與天下大酺俘至獻于

祖

社

皇帝御午門以觀辰旂豹罕球鏞鐃鼓飛揚鏗鎗百秩
敘進咸頓首賀臣伏念易稱高宗殷之盛天子其

伐鬼方三年而克之若是難也小雅詩人欲張大
宣王之功曰薄伐獫狁至于太原若爲荒徼絕域
之辭所以震蕩心目刻畫金石然或遲之三年之
久近在晉國之地猶且照曜方冊其烈燦然至古
所稱王者之師不戰而屈人萬里之外蓋有其言
而無其事今準噶爾去

京師尙不啻萬里出師不逾二時不見一鋒一鏃之
遺而大功克奏聞師入伊犁之日椎髻之婦未亂
之童望我旗纛若慈父母惟

皇帝陛下神聖文武天之所授日麗霆發颺靈雨甘百

神效職惟所左右誠非尋常所得擬議萬一者也
臣謹作四言詩一篇竊欲準古經義潭思極精所
以導揚

天子之光明式于世世其詩曰

皇帝聖德自天受授風霆在左雨露在右惟十四年蜀
微蠹聚煽其蠹賊內訌外構

皇帝命相一撻十仆父子面縛乞命邊埃準噶爾部西
極是守人孰信義若羣鳥獸

聖祖獵之朔漠三狩

世宗命將再彈再設策凌有子非種而穀不如鳥鼠同穴

相門是召亂臣達瓦齊寇通名

天朝不自寢陋甘其下人以飽鴟鵂諸部瓦解呼天內
附

皇帝曰嗟汝遠無告宅汝子所飯汝子糗享之熱河厥
長

賜綬咸拜獲命死曷以報

皇帝曰吁渠魁可宥將軍出師來者爲副伐罪去疾往
哺而穀十九年秋

帝謁

祖考以禱出師惟

列聖祐天策旣發西北兩道師行三十其里萬數乃齊

詔書壯士馳驟所過部落山川獻岫譯長宣布咸使聽

一觀各逐汝草各牧汝畜除汝敗羣安汝老幼無驚

王師駭鹿激驚乃聞乃來若渴飲耐跋海踰嶺集寶是

蹂台吉朝迓宰桑晏候奉上玉盤膜拜獻侑弋不

舍牲耕不改耨台背而扶垂髻而走草榮木長雞

拊犬喉猱我

王師躍踴遯追旆旆大纛長途不留天風吹颺五綵繪

繡沙漠萬里如行中霤無警其營無頓其宿不戮

一人不遺一鏃直抵伊犁諸部盡收逋醜旣繫叛

藩自首賊會顛倒無所竄伏小犯大兇取之自資

三捷上

聞告

廟用祝陳設圭瓚奉冊進讀

皇帝躬入潔齊盥漱曰自我

祖萬邦是操大甲長弓垂法嗣後惟茲大勲尙率由舊用
牲于

社

上帝類造神靈矜饗福應來臻

山陵戢戢遣

皇子赴登降執禮觀于堂構羣上

尊號謙讓至又聿以吉日奉

皇太后崇號

純禧金冊玉鏤乃

坐正殿受羣臣朝

詔告天下自海丕冒五公四侯望秩烽樞高爵厚綬功

大必售晉秩有位升俊教胄存問熒獨讞獄平復

葺廢決滯剋瑕剔疾

恩澤三十莫不周究爰以俘來牽頸袒肉左命於

祖右

社告奏

帝登午門日出當晝饒轟鼓伐金石撞扣凱樂大作日
俘是受司馬司寇百職咸具頓首上賀拜舞衣袖
雷電軒豁乾坤明秀

皇帝大德上與

天茂長養萬物日月所透至誠感通各得中孚

皇曰念哉與天下穀

皇帝大文經緯宇宙始金終玉高成深就配于文命上

刻岫巘

皇曰勗哉與天下裕

皇帝大武止戈獻豆粦粦黃鉞孰敢叫吼有不恭順視
厥頸脰

皇曰戒哉與天下懋

皇帝大功亘古莫較東西之廣南北之袤帝不能羅王
不能囿

皇曰敬哉與天下富

皇帝大孝撫靡浹流萬國合歡四靈爲晷以天下養極
于載覆

皇曰康哉

皇太后壽小臣頌

德舉一萬漏敢辭不文竊比史籀

聖駕南巡典禮慶成恭紀柏梁體詩一百韻

龍序

臣謹言伏惟

皇帝陛下神聖文武與

天合契乾隆四十有五年春正月實五舉南巡狩之典慶

澤大洽况又適逢

聖壽七旬無彊惟庥始和布

詔萬國歡舞臣以奉使課迪士子遠職間彊不獲踰走

屬車先後親覲

盛典偕從江浙士氓照曜

壽域之光華私心跂抃莫可名狀謹極思殫智擬撰
栢梁體詩二百句式備舉書昭示奕禩謹稽首頓
首以

獻其詩曰

皇帝萬壽巡四維七旬庚子初開支元貞運會乾隆時
四十五年則架架敬

皇天法

皇祖治邊矣

國肇天東陲我

皇卽阼洪丕基西北二萬架崦嵫版江之源表峨嶓涵

濡有宥昭南離

功德肖天越姒媯於時天下方大釐始和頒

詔咸聞知緬

列聖德浹髓肌繼繩

壽域大福禔嶽瀆沈薶侑

神示

哲后

先師官薦匪

賜賚宗室中外禱周百執事學官比孝順義節旌所司
絹米惠表百歲耆築除橋梁葺廟祠滌滯宥罪徧

羣黎先歲普免租糧穰毋耗雀鼠民膏脂惟

皇帝壽咸樂只

皇帝南顧河江湄曰春省三今遲遲越十六年乙庚期

南萌後

翠華旖旎其考禮舉慰厥思諏吉春正月庚寅駕龍輅

蟠捎魑夔

發神武門闔闔颺蹕釣魚臺揮蘭猗黃新莊率西山迤

宏思松蓋饒瓊資度先鋒坡懷鼓鞞軒轅涿鹿阿

驅阨四登不遑人帝師存問三家膏雨犁紫泉水

沃赤縣漣潏白溝戰壘啗趙北際又燕南垂

聖祖靈沼恒在斯親人魚鳥波渺瀕江南思

幸澤先滋毛公舊館引金錐河間表彰古禮詩宿宿思

賢村獨巋

行幄丹黃四庫披紅杏園花春酣莢熊安生宅北學闕
太史陳風樂何疲望望開福塔不歆南北劉智社
嬰嬰恩泉梁濟黃河崖鬲津道耕平原舊齊嬰邑
古張駟輜潘村結構崗之岷密樾供

眺圓峯縣靈巖竚篠石竅吹元英栢指

天藻摘鐵袈裟洗泉味飴希有佛現方頂願禮觀世音
刻巖巖遂循白鶴岱雲觀中水行聽泉林颺康成

注經書帶薜蘭陵大儒荀家遺

帝來萬松蒙山陂問官里曜雲鳥姿程子傾蓋鄒子諮
聖人元契東魯岐龍泉大道黃流堅夏舟唐堦

眷民咨百靈帕覲順河伺咫尺龍風溜斟卮

七騶六御淮行輒邢溝梅萼折潒潒天寧高旻拈花

資大江錦浪浮玉崔

帝五來閱天水奇石頭雄固焦茫迷赤墩照江天無私

南北歌舞驪旌旗扶觀耄耄跳童兒三義閣轉鵠

颺颺惠山園眇舟亭機吳波玉朗淪瀾漪虎邱見

勝

御楫倚五松磔硤倪迂爲宦光濯石中孔虧千尺雪
香雪枝天屏上房媚屢屢琴臺幾幾湖遙睨要看
七十二峯匯東西洞庭程園法

皇島錦爛以布綦六日峪向南斗移平塘欵乃泛古橋
三塔斜照烟雨疑石門取道

觀海涯寧安瀾園水中低絡石下椿杆若埤日毋潮角
胥種倚海門疋練增水漸錢塘會稽斗浪危不勞
三千射水犀明德遺石奠嶼嶼我

皇臨築萬載隄越山吳地履磨砥湖光十日

天顏怡聖因締造紀康熙我

皇繩

武遊豫宜風篁上上峯髻魑南屏山色圍周塹銀牌玉戴
千年麋凝神夾輦攸伏來六橋三竺神仙視

帝爲康功來匪嬉毋庸蓮華覽神尼葛嶺清淨侈何居
瑪瑙增美

帝曰嘻不惟丹刻惟土茨省方致意是訓獎爰

閱水師校熊熊兩浙十閩樓船敲重臣介冑督與提鯨
艦鵝鵲嫺偏禪六和高塔影參差

皇帝臨觀示止齊陌上花承

鑾輿隨石門沿緣吳門碕蘇腴常秀看不辭蒜山出口

金山疑此時江心試

御絺龍潭松鱗六代皮棲霞幾撫徵君碑卑高峯頂臨

江巖

帝宿宿此薰蕕離南士奏賦千有奇

詔大車載枚馬攜百年就問徵冊丁登名禮部心則懷

江浙處處歌采芝作人

壽考儀賦鳴燕子磯又嘉山壇再

陞于攝金三隄四月仲呂律先蕤綠楊城郭遲

金輶海棠庵樹平橋蜃廠名直隸薰風靡徐陳村過

問夏畦甲口水營鱗之而魚莊鱗舍

詢陋卑吉行幾日度工施韓莊有聞高堡籬徐州帶郭

黃湍湍

帝來躬禱肅幣珪河伯效應天稷麗往來相應提電道

自韓莊

還懷胝胝新挑河邇濟寧陴長溝老口途嶮崎珠泉石

屯攬若櫟四女寺慙日孜孜禹功遠矣

勤自惟道合德州

六飛馳十日

正殿麗金鵝

臣

問勤民溯農羲五載五巡書典貽周

官王制考子姬竝海秦刻非實欺漢唐誣誇殊祇

台宋後冊檢荒古追前朝閉聰網大弛下民情隔
自生疵八紘空張失柱檣

世祖受命全有之

聖祖至德天篤毗六巡渡江人戴

慈膏沃下土樂喙跂

世宗嗣位敬益持我

皇紹休彌丕丕志承于

考

祖克仔自天窺管海測蠡式廓以武文用儀東準亢角西
參觜繫北戴斗南揚箕油油雲覆布濩彌天行以

健

壽惟祺久道不已民

念茲五舉

南巡省耜耒溝洫盡力勞重天下治安逾

謙撝惟

聖德準詩書推七旬萬年歌壽眉

皇自敬德

天佑綏

小臣

詩附無逸詞

南巡賦

代劉文正公作

天子龍德旣臨飛飛陽陽以守于中軌云獄戈蜀徵禮

魯宗十唐九虞西沙東澣天周而噉娛將

巡狩乎大江之南于是歲行協洽重光曰辛廼騶廼鸞
撫麾閭闔而闔天門兮詔星辰其列般振玉衡當
九垓兮招搖輻乎中春燭龍裂眦豁晦合而照大
昕兮六羽鸛而翩翩修熙之家怵奠彝相送兮祝
融窺睨迓而捧輪芴跼踈以踈躩熙而思慕兮勾
芒蓐收羌遼窅而不得攀蒼龍委麗於擇鬣跼兀
其左右兮背元螭面朱鸛

皇帝廼眎軒轅而肩伊耆兮齡五龍槎明河兮溼大江
日母月妃姬嫫璫瑤謁蟾赴蜺歸嬉郎都翬翬龍

龍天精地符驤天都而警

蹕兮璫然玉軼驚羽之濯瀟潏潏也定赤竄以指南兮
五旂批而門覲鼉輦陸而鵲旂兮宴標山而狼精
龍章虎旆踰張陽駭菱林而涉水兮怒形龐與淺
騰披蛇筏之中澤兮指島嶼之上阪

駕八龍之畔岸留霍左鬲騶右白渠而前山子兮挂綠
虵與紫燕咤日逐而并一兮駢宵奔而莽萬方將
蹀靈靈跨鵠鵬趨九瀛而遞五嶽兮偈焉南遊曾
不得其俄暫于時六飛初棄似跡所詳洧洧波瀾
河淮相盪內觸搏以匍匐兮外沈沈而正強高岑

嶺其沈星宿兮萬里走而不僵兩瀆蹶丑而闕變
兮橫堤老而獨當將攏三湖九江而通氣兮陽侯
蜺像俯闕乎層城廼想媧皇之孫驅蟲蠃而築龍
門兮陋炎劉之宣房躬腴胝負薪而塞瓠子兮羌
莫踵乎燬石而壓水狂于是渠淮之脊梨河之面
椎金則縮地數十鑿石則侍鍾百萬巖然高岡之
巋嵬魑投兮中頻仰而不見忽邈汜糾蓼表以坑
衡兮狀老龍兮當道鬚鬣而捲戀王爾引墨而目
搖兮奚斯揮斤而腕顫鳥衛惡其精誠兮夸娥悔
其軀幹曷哉美乎

天子神工削而截薛兮白龍驕而不敢犯更歷萬古長
若此之澹沱滛淡兮若斟江河而在栢捲遂翼萬
鷁而橫江津兮金焦岫以鑿戟覽天地之險闔兮
赤岸赧駭燒其波旂旒綵綵軸轡莅颯兮

詔六師麾五戈裂缺上電而燃下淵兮手刺青虬而足
白鼉金翎三萬而火龍十二兮越射唐魚而燎周
鳥拔龍淵使斷瀨兮驕璿臺涉神注翔陽流光乍
撫轡忽逸駭兮日羽月羽棍而相拏囷囷顛顛千
軍騰裝山竈而水井兮慌憺兮若馮遲太白馭六
雲霓而九蛟虵儵若海神以紅帟首而朝神禹兮

鱗張瞋動怖而恠奇于焉

大閭誠武雷驤虹鬣蒐金石而昭典則廼沼廣陵而登
會稽兮觀夏后此焉息巉嵒歸岬窟窅窅窳神靈
慶兮其冪冪也礪礪躡蹠蹠燦閭內躬躬兮哢
靜直也下泔泔而滌潛兮上曉曉而崩芳厥高岡
乎其不可得而晷測兮痠九山川盍其作極傑天
地之長勤兮惟妣氏其明德曰允精授而後神與
兮揆四千歲之卽爰

降覽乎曲江兮橫古今之駭濤義娥陰火以鬻蠶兮海
童羽裳而推潮瀾瀾測測汨汨瀾瀾氣瀨瀨以破

破兮吳胥越種跣而狂趨目其狀也若三千劍士
兮兮脫兔蔓兮處女閃戔戔而飛刀耳其響也若
五都九廐羈駟躡喝馭不可擘兮鷄犬市人同聲
而蹢其汪漭而騰跳也若大鳥兩翼彫翮六頭翩
翻二儀而礪五嶺兮秋秋鱗鱗勢不得休其迸散
而歸壑也若朱明之焱而杲杲兮電霰霜雪當空
而消枚叔擣舌而色變兮錢鏐之矢射而倍驕精
矐矐其脩眸兮神皎皎其相招徠大觀以造天兮
孰雲漢之能高彼夷光之湖與閭閻邱兮不翅九
牛之吹一毛當斯時也巍遊極觀天發地施

皇帝方誕九塗路五嶺靈壽杖撰筴蒲具和瀉瀉洞洞
奉

皇太后以出所以深思淵搜舉書動儀合乎萬鄮懼乎

一人夫其馳黃驟華四登五月之所事衡疑瞰而熊湘
浮蠲賦貢助徹之萌擢顏閔游夏之姿率土冒海
見其

大孝湛澤咸觀咸來惟

聖母溯厥初生環天之年無有極涯摅丹雀之九穗兮灑
流雲之霞漿服之得道而後天兮精神頽而始壯
棲乎神農參龍之圃步乎天老降鳳之宮聽雲車

之靄靄兮鏘鏘六轡離序而睠轡行拂若木而泛
咸池兮御飄飄而遊遠颺廣廣其廖廓兮密泊渡
乎五河下臨崑崙而作銅柱兮睠青琴而睠黃娥
嫋嫋婉婉虎首戴勝忽見西王母兮上瑤臺而背
歌羌越萬歲而長年少兮靈冶窮窈窕姍麗顧
而層波上凌雲兮下超光同天地壽兮同日月明
厥回輿以正志兮崇節儉而侔精剛于是法輓

上帝昭駸

列祖秩莫川麓嶽帝英鬱王核祥光出河靈苗天來廣以
明都幽都輪以陽谷昧谷春皇括白龜夏后提黃

龍秋官揜廌青冬帝捐爵皇奇毛神翮巨鱗明蟲
元湑騰湊窘窘蠓蠓厓抵暈采兮川投夜光豐隆
道兮聲軫鎗

恩汪濊兮溶湖江于是

帝車焞暉來還於都闔四維兮從六幕澤趾馬兮山輶
車匡紫宮兮剽魍魎成功備兮羣臣歌天瑞霽兮
昆中外風雨穌兮陰陽會爰拜手兮四巡配頌曰
蓊蓊南州山崆峒兮

皇帝狩之航大江兮圖潏硃渚黃淮門兮瀕石礮礮
聖所構兮五月而南堯與舜兮上自會稽禹以爲正兮

卷二
赫濯其巡將所事兮日與月燦光天地兮穆流叫
弄百神綏兮南炎北瓊靈往來兮

王者之舉昭法制兮用保于世世千萬歲兮

聖謨廣運平定準噶爾賦

維

大清受命

列祖

列宗天幬地垠日月之中四海之外我臣我隸今

上卽位以來修舉典制謁

三陵幸闕里登東岱巡乎大江之南以省問民事西南平

金川東北蒙古諸部悉爲內藩

天子歲嘗冬狩木蘭所以講武而威

天顏焉近則俄羅斯高麗琉球安南數十國之屬奉朝
受贄遠則西洋之域槎海晞日者以數萬里計莫
不循東風謹方物十年而一受吏

皇帝曰噓上下兩間執不予臣惟西荒準噶爾實有元
之臣僕據西極之沙鹵策妄策凌世惡誇詡遠作
不靖爲邊萌苦昔我

皇祖聖祖蓋親征三駕其部

皇考世宗所以命將出師欲殲其魁犁其庭而翼其子也

粵

二帝未克翦之志付畀其在予予一人念之二十年一日
其敢暇夫其道里之寥閼翰海亘乎中央宵瀾漫
以秋春草木失其青黃飛鳥下啄而譙羽翼獸索
飲暘越而狂羲輪下燒乎空磧水泉涸而不揚平
沙汨其千里仰天蓋之茫茫內屬龍堆外薄蔥嶺
樓蘭車師取道越境負康居而擁大宛敝芑五色
天馬之影其俗控弦耆酒而猛域中萬里有衆四
部台吉宰桑逐水打牲各治處所儻聊走徙剽若
風雨人不知信背欺面詐蠶爾抗衡利我寶貨天

後其心井蛙自大蓋自

仁皇

憲皇秉白鉞杖黃鉞方宥夫驕黠絕遠之誅乃彼昏不知
兵在其頸而羌自活也人之興妖鬼神助之于是
喇嘛達爾札以孽子行逆達瓦齊以亂臣竊據哈
薩克之師掠其邊場噶爾丹多爾濟之衆守其部
署渠魁酒醉會曲惶悚迷鹿昏烏顛倒跳蕩以故
台吉車楞車楞伍巴什等暨阿睦爾撒納等去逆
效順畏蜺忻雨欵關而籲乎

上國者萬有餘戶

天子曰咨其厚勞來者朕將享之熱河以親決所便宜
惟十九年秋七月

皇帝至于熱河受降者朝于是蘇離附墨之屬奧韃靼
匿之曹雜還歡喜訥呀詰聲名王兀其屏息擡大
鏞而伐磬導廬列而拜舞循釧砌而上高惕

天儀于咫尺步震恪而不躋赤日瞻其照心敢自外于
荒要降侍燕而醉飽樂無涯乎所遭曰

天子其福我願先驅而負馭乃用

錫命乃賚赤鞮于喀爾喀處其部率渺雄畧與大度咸
推心而置腹九月

皇帝有事于

三陵而躬默禱出師于

列祖之寶城謚思精意神明周流陟高山而降原想風雨
之未收手拊摩乎弓矢似乘翠黃其來遊目若凝
乎望洋耳若提乎貽謀曰元孫其上告在西戎之
巨酋彼余殄其部人

皇天赫其鑒劉繄世擾我藩籬固

列聖之所讐獺毆鱗其沍集獸窘豺而全投請洗兵以救
焚紹我

祖之用休然後六飛翩翩回輿乎京師

天子曰嘻自準噶爾逆亂不道數十年于茲厥野梟魚
牧有獍鴟

皇天命朕中外稱制實惟五刑之討九伐之灋在我我其
出師誅厥大憝以救頌黎爰

命將軍嫫西北而竝進以其來者爲副將軍授之節鉞
致敵而前參贊諸臣左右厥功謀成勇發鵬攬虎
蹲輝輝焯焯天兵出關於時軍容之所叱撝師行
之所經涉霆聲電芒摩拂歎欽騎以龍文魚目之
馬被以文璫通犀之甲利乎嬉羌鄯善之鐵險乎
懸度風災之峽凡夫西戎長技之所恃于焉倔彊

者蓋我師不煩勞而戢善而況乎

天廟之算神武之籌卽用其人以決其捷所以有征無
戰問罪人而弔國邑固嗒然彼醜之若兔蹄而豚
苙也爾其師律所向閶闔廣張地鼓鳴而裂堅天
鑪燒而照空呼三軍而作氣雪嶺蒸其中通長途
憇以飲馬啗流沙而行康莊先聲嚆而動九天瞰
投戈乎烏梁繞兔嶺而踰索爾颿東雪而不僵聿
二馬木特之所鵠蚌門而相戕我軍闖其探穴拔
兩猛乎麀雙廼遣壯士賁

詔馳重驛而告今日我誅其敗羣而牧夫牛羊噓來者

爲我貔貅而用執爾貪狼遂跛乎噶爾丹之部其
台吉來效忠願出兵以載橐鞬處者擾而不藏乃
有額林少年兄弟宰桑暨和卓木之戶捧玉盤而
踉蹌儷三股于俘寶獲其人之尤良是時大軍蓋
莅乎五集賽也聞會首其酒荒咸厥角而誓前旗
狀飛霰沃乎沸湯拊布錫而帡庫特擒賊使者以
降蠹大纛其行野靡乎博羅之源而搜山梁陘隘
業我萬里空濶寶露雀穗所過飢渴覆冰而暄肉
骨而活熾絕域就乎熟路廣袤險易若作甘霖而
滿蟻穴惟羅小藏丹津昔青海之叛藩敢逋逃而

煽敵不卽誅者三十餘年日轂下馳螭臂力殫二
蜎二螻投身轅門將軍執之檻車送行有巴朗之
二醜鴟在林而忽鸞閃列缺以下搜炤三窟而收
游魂罪人纍其旣得焞萬軍而誦謹粵以二十年
五月朔我師直抵乎伊犁諸部台吉率先爭來自
河之南極河以北杖戈服劍面東背西咸願出兵
執逆丸齊喇嘛回人黃弁素佩牽羊舁酒除塵進
灑台背黔額婦子稚孩距踟左右日夜我侯以故
皮幣壺漿之誠顏色嘔噓之態飈清日潔諒諒熙
熙若民生不知挾夫弓矢而謳喁匍匐今日廼見

天子之德威於焉掀六幕畢九垓五精握兵風與雲潏
妖鳥困而跼翅狂獸窮而側掌撼霞幡而懸月鏡
光不逃乎魍魎空漫漫其失路上直視而目矐山
林櫟其駭人俄藏身而疑影甘自首而怯內慴高
厚而俛仰夜砲鼓其乍轟萬馬嘶而脫鞅螭渠魁
其墜心羣醜橫分而不黨遂盡收其毳幕而俘其
少長彼達瓦齊廼蹢躅迷穴伏莽走和集斯
伯克漸乎橫江之鯨遮而投網曰俯取以燎而我
用休享夫其出師半載以往戎衣不更綻師糧不
數餉唐弓夏箭未嘗抽長戟利矛未嘗盪韜策之

士無所發其奇賁育之倫無所試其勇而自東行
西萬里大廣下刻土版上列宿景樹之藩屏丁其
祿禪惟

皇帝神靈被格古無以上意者天將輶僞德而屆姬妣
跡而昉也大捷布聞四遠照耀于焉鸞輅和雞人
詔大禮盛樂鏗鏘旖旎用告成功于

太廟羣臣同聲請上

尊號

皇帝曰都予仰惟

祖考明德非常之功自遠來告非予一人之力羣臣歸德

于予朕恩惠焉惟

皇太后聖德自天所極東西南北輪廣取昭罔不心服矧
西戎萬里近在九譯者哉朕臨天下亦惟蚤夜祇
受

皇太后之教用集大烈如天之福其崇上

徽號以展朕意羣臣咸頓首曰俞哉

孝德六月己酉

皇帝躬至于

壽康宮奉上

寶冊鉅典焜煌仗列華焱羣臣次進升歌樂洽

廟社

御太和殿拜舞在職于焉冠佩之容鼓吹之節以導以
迎春麗山肅上乎天安之門翬金鳳而詔萬國

詔曰五嶽四瀆帝王之藏命官致祭出師諸臣嘉乃偉
烈其爵賞以次中外在事諸臣汝勞用敘京師文
武百職事有晉級有加賚越歲秋春試天下士其
廣中式者所在錄囚輒減赦其罪禁嚴讞免逋貸
存問無告恩典三十與天下大治然後按壘鼓之
律考藁街之制軍以俘來獻于

天子御午門而莅焉繫頸施佩牽入十步縱鉦鳴鼓百
僚咸在司馬上請曰司寇是司所以昭示誅宥惟
帝所置莫不跂然而觀達瓦齊之俘至日偉哉今日大
武之喬皇而鉅典之旆噦也由是崑崙之西身毒
以外思慕威德咸請屬隸握江歷之珠璣獻壽林
之蔥翠師子大雀四靈之瑞古黃茲白萬里之騎
玉門簾金天嶽陳幣自日入所溯日所出以騰驤
于郵驛者灼爍乎其相繼于斯時也百年見虞樂
周禮之興六職由文事武畧之選四民以十言五
教爲常九海以丹甕白琯爲近由榦而枝萬末一

本而况

天子黃幄獨斷萬里之外以通未嘗貫一鍤染一鋒者
奇功也奉

皇太后讓善崇名敷其文教至以窮髮之北爲玉食地供
娛色笑古者以天下養安得較乎此大孝也天下
由是嶄然而稱曰巍矣極矣莫與則矣而

皇帝方淵然雲隔松楸肸蠁融假之是卽與夫

列祖

列宗所以震鬯思默者方且凜顙頊圓矩之訓慎伊耆山
埵之戒前陳宥坐之器旁求芻蕘之得日珥星景

而所其無逸夢攸卜獵而箴于有位黃雲大穗輸
其祥而一夫勤乎扇暘白麟奇木昭其應而四維
凜乎朽索左詩右書銷金戛玉乃召夫庭堅伯翳
之儔日月朝夕相與勗都俞而儆吁咈若此乃所
稱

至德也曰三至善而不居遵皇極之正路用垂則于世
世在金版與玉縷惟小臣之蠡測爰珥筆以奏賦
聖駕閱河賦代作

臣聞飲河之羽未足以測溟渤之寬沿波之卉竊
有以喻膏澤之專臣蒙被

恩澤版籍圻甸百年海陬四世詞垣往者

聖祖仁皇帝六御繆纒

躬閱河于天津

臣

曾祖某

臣

祖某並獲扈

蹕仰見

仁廟陟降指畫民事之是勤今

皇帝重有事于河淀

屬車所巡

臣

復得以文學侍從而與于辰罕豹尾之間

斯不世之榮也而況

天子覃恩淵惟實繩

祖武相度機宜升覽堤所夫且原本乎古聖盡力溝洫之

至意而

睿慮所周

湛恩所濺乃先淪浹乎臣里桑梓之士誠稱之而不能
殫其利述之而不能名其樂竊見閭閻安其息作
鱗屋葦臯雉舞雀躍粵惟百餘年以來近畿數百
里之間猗

聖人之屢勤而小人之屢獲也臣敬陳之請賦其畧歲

在疆圉月爲極如奏王夏運斗車八神南躔五輅
東驅順勾芒以執規環勾陳而屬輿驂蚩戚于涿
鹿趾趙尾以騶虞日晶天碧綠原黃衢翠鳳飛揚

瞠爵頡魚鱗嫫嫫邀婦杼氓鋤大化之景吉行僞
舒祇璇題之蠅蚋肇清問夫滄渠

皇帝方將周觀乎析汴之下澗而

巡歷河堤以講求夫沽淀之滄濬也呀蕩蕩之海水莽
湍淥乎東瀛帶天都之百川北徂南而合并

京師之南曰四大川沙河合易近南桑乾西南滹沱
清漳濁漳二漳合衛御河所經京北川二白河鮑
邱東北曰灤千里獨流撫鮑邱與諸川入海道于
直沽駭絕塞之灤水橫放意而自如灤故曰濡出
泉于炭急流商都沿以柳箭結九道之邊流闕樂

亭而海見若鮑邱之過潞岸沙白而得名石塘澣
潁入通路亭西迤折于張灣桑乾挾而東行桑乾
索涓源于累頭踏壁西山下走蘆溝其一支爲巨
馬小直沽之所由流渾渾而逾濁會高麗于鮑邱
易水并浸三源灌輸中溜巨馬亦亂小沽別流滹
沱入津與俱滹沱掛乎大戲飛五臺之水雪古祀
尊乎惡池過邵六而激越岔口衛入若飲投渴瀾
瀾衛水蘇門自來東北走濟觸洪而開是曰

御河兵屯比惜館附西漳道澠同歸二漳之源南北
判流清漳大龜濁漳發鳩匯于臨漳下與衛浮渺

衆水之殊別倂百變而終同灤獨入而漳衛合交
滹沱與易逢易又合于桑乾闡白河而底通清濁
錯而五色南北遭乎八風賊天東其何極响直沽
而朝宗天津所治大沽小沽小沽首受大沽腹儲
睽千條之匹練踰迴腸而九紆珠濤熾熾而旁歎
金堤屹屹以中孤恐潦水之時盛或震撼乎澤居
是有橐鑰在淀與閘淀渟以舒閘洩以捷舒之以
收其淤漫捷之以縱其汧渫同功異施開闢曠曉
皇哉

聖謨禹績是躡昔子牙之所沿當滹沱之下漉絡溢水

以入淀迅流喧騰乎三角

聖祖躬視兩堤是築東開新河其流縹緲王口趙莊二支
三灘湜湜截其門濁大堤隤而不安

世宗有命障其西流旁淤正澈會於臺頭泊子牙之東徙
岔口溢爲東支

天子乃敕河臣改經流而濬之歷青靜以達津若斟酌
之在杯水歸壑而土沃桑麻茁其蕃滋

聖人之所擘畫妙順性而因時今茲來觀載考其宜式
前訓于流泉念小人之知依越津南之大堤鹹沾北而列
五大閘之口次南以數賀家何家灰堆白塘雙港

新築塘堆中央是謂六閘用洩積水七十二沽諸
淀出此放于海河東走萬里每歲行之夏潯雨注
川而流駛蒼蚪怒而跋浪垂天池而三洗浸萬港
爲鉅盤僵鼯眠而不起羣泝澆其寵寵睜出首而
隱尾衆淺積而一深衆支合而一體狀彊啖而逢
饑羗屏息而欲喟六門洞開萬壑歸始汨汨日夜
軒目軒耳今我

皇之來遊迎桃花之春漲絙金堤之如繩繫六鑑而相
向塘漫漫而內沃瀆瀟瀟而外曠于焉

指其左右

覽其上下玉騶一嘶波明風暢是日也

天子遂升乎望海之臺瞰朝瞰之所浮熙九環之方宴
海若安而靜流

曰予來其爲民事而非卽豫遊其免所過租十三而乘
和以布休緊

聖人之所幸實寒諮而雨謀於是民功奏

天澤悅然後召春蒐之儀考梁鄒之節禮也爾乃營號
水師陳同魚貫羽林出乎

紫垣壁壘分乎赤縣地濶則名別鵝鵝軍整則士皆
組練

天子乃御鵠首

觀鱸河戴卿雲鏡激波尙書奉簿元戎誓軍雷礮裂空
以作服衿始澹澹而騁睇澄俯水而仰雲旬逐響
而一合萬舟輓其飛輪金刃利而火疾爛空明而
澈天瞥過目于寸息舟焱散而礮震申令不待夫
三五耳進退于俄聞神合身應延龍常蛇惟師之
律我

皇用嘉飛雨疾其灑河颯不見其所加于焉

詔論功示行賞旣

賚虎旅言旋鸞舫五旬咸飫七萃擁仗夫乃容與乎

文圖之偕樂而裔皇于

法宮之共仰于斯時也除積滯廣賚施庶士興無刑期
壁壘懽魚鹽綏從官慶靈神祠三灘中間接格淀
堤相減河勢石工用宜濬五家務三岔不泥谷家
吳家消漲通陂惟

皇出入惠無留遺

詔書所下吏布大釐臣竊見都士觀于盛典野農歌于
多稔在陸則咸沃其膏在澤則咸奠其居童踴躍
于通衢耄笑語于側廬懿哉肇

列聖之幬覆而我

皇之究憫也近雖小人何其幸歟惟

皇帝之惠民實在有乎天下遠底續于江河邇及澤于
庭戶先本仁乎東瀛準瀆四而全付渺含生而知
潤偕暘暘而雨雨小臣身濡而目灼謹稽首以獻
賦

笥河文集卷二

終